


“TASDIQLAYMAN”

**“O‘zbekiston yosh fermerlari
Kengashi” nodavlat notijorat
tashkiloti raisi**




M. Inoyatov

2026 yil “ 31 ” *iyul*

**“Yosh fermerlar chempionati” doirasida
“Yilning yosh dehqoni” nominatsiyasi
bo‘yicha chempionatni tashkil etish va
o‘tkazish tartibi to‘g‘risida
NIZOM**

Toshkent – 2026 yil

**“Yosh fermerlar chempionati” doirasida “Yilning yosh dehqoni” nominatsiyasi
bo‘yicha chempionatni o‘tkazish tartibi to‘g‘risida
NIZOM**

Ushbu Nizom “Yosh fermerlar chempionati” doirasida “Yilning yosh dehqoni” nominatsiyasi bo‘yicha chempionatni (keyingi o‘rinlarda – chempionat deb yuritiladi) tashkil etish, o‘tkazish, ishtirokchilarni baholash, g‘oliblarini aniqlash va taqdirlash tartibi hamda ushbu chempionatni tashkil etishda tegishli tashkilot va vazirliklar o‘rtasidagi munosabatlarni belgilaydi.

1-bob. Umumiy qoidalar

1.1. Nizom doirasida quyidagi tushunchalardan foydalaniladi:

“Yosh fermerlar chempionati” doirasida “Yilning yosh dehqoni” nominatsiyasi bo‘yicha chempionat – O‘zbekiston Respublikasi hududida qishloq xo‘jaligi sohasida faoliyat yuritayotgan, qishloq xo‘jaligi ekinlarini yetishtirishda yuqori natijalarga erishgan hamda dehqonchilik faoliyatini samarali yo‘lga qo‘ygan yoshlarni aniqlash va rag‘batlantirish bo‘yicha tanlov;

chempionat ishtirokchilari – O‘zbekiston Respublikasi fuqarosi bo‘lgan 18 yoshga to‘lgan va 30 yoshdan oshmagan (ushbu yosh ham), qishloq xo‘jaligi sohasida sabzavotchilik, polizchilik, kartoshkachilik, donchilik, dukkakli, moyli, ozuqa va boshqa turdagi dala ekinlarini yetishtirish yo‘nalishida dehqonchilik faoliyati bilan shug‘ullanayotgan hamda chempionatda ishtirok etish uchun ro‘yxatdan o‘tgan yoshlar;

chempionat tashkilotchilari – O‘zbekiston Respublikasi Yoshlar ishlari agentligi, “O‘zbekiston yosh fermerlari Kengashi” NNT, O‘zbekiston Respublikasi Qishloq xo‘jaligi vazirligi, O‘zbekiston fermer, dehqon xo‘jaligi va tomorqa yer egalari Kengashi, O‘zbekiston Savdo-sanoat palatasi, Toshkent davlat agrar universiteti;

Ishchi guruhi – chempionatni tashkil etish va o‘tkazish bilan bog‘liq barcha vazifalarni amalga oshiruvchi tashkilotchilarning respublika, viloyat boshqarmalari, tuman (shahar) bo‘limlarining mas‘ul xodimlaridan iborat guruh (1-ilova);

Komissiya a‘zolari – chempionat ishtirokchilari o‘rtasida g‘oliblarni aniqlovchi tashkilotchilarning respublika darajasidagi mas‘ul xodimlari hamda soha mutaxassislaridan iborat guruh (2-ilova).

2-bob. Maqsad va vazifalar

2.1. Chempionatning maqsadi O‘zbekiston Respublikasi hududida qishloq xo‘jaligi sohasida faoliyat yuritayotgan, qishloq xo‘jaligi ekinlarini yetishtirishda yuqori natijalarga erishgan, yerdan samarali foydalanayotgan, zamonaviy agrotexnologiyalarni amaliyotga joriy etgan hamda dehqonchilik madaniyatini rivojlantirishga hissa qo‘shayotgan yoshlarni aniqlash va rag‘batlantirishdan iborat.

2.2. Chempionatning vazifalari quyidagilardan iborat:

dehqonchilik sohasida yuqori natijalarga yerishgan yoshlarni aniqlash va rag‘batlantirish;

yerdan samarali foydalanish va ilg'or agrotexnologiyalarni qo'llashni ommalashtirish;

dehqonchilik sohasidagi ilg'or tajribalarni keng targ'ib qilish.

3-bob. Chempionat ishtirokchilari, o'tkazish bosqichlari va muddatlari

3.1. O'zbekiston Respublikasi fuqarosi bo'lgan 18 yoshga to'lgan va 30 yoshdan oshmagan (ushbu yosh ham), qishloq xo'jaligi sohasida sabzavotchilik, polizchilik, kartoshkachilik, donchilik, dukkakli, moyli, ozuqa va boshqa turdagi dala ekinlarini yetishtirish yo'nalishida dehqonchilik faoliyati bilan shug'ullanayotgan yoshlar chempionatda doimiy yashash joyi yoki yer maydoni joylashgan hudud bo'yicha ro'yxatdan o'tgan holda ishtirok etishlari mumkin.

3.2. Arizalarni topshirish shartlari va muddatlari chempionat tashkilotchilarining rasmiy veb-sahifalari hamda ommaviy axborot vositalari orqali e'lon qilinadi.

3.3. Chempionat 5 **bosqichda** o'tkaziladi:

I bosqich – ro'yxatdan o'tish bosqichi: 2026-yil 5-31-avgust;

Mazkur bosqichda talabgorlar yoshfermer.uz elektron platformasi orqali onlayn ro'yxatdan o'tadi hamda ushbu Nizomda belgilangan umumiy va nominatsiya bo'yicha maxsus hujjatlarni elektron shaklda taqdim etadi.

II bosqich – onlayn saralash bosqichi: 2026-yil 1-10-sentabr;

Talabgorlar tomonidan taqdim etilgan hujjatlar komissiya a'zolari tomonidan onlayn tartibda ko'rib chiqiladi va 6.1-bandda belgilangan mezonlar orqali baholanadi.

Har bir hudud (Qoraqalpog'iston Respublikasi, viloyatlar va Toshkent shahri)dan mazkur nominatsiya bo'yicha eng yuqori ball to'plagan 3 nafargacha ishtirokchi ikkinchi bosqichga o'tkaziladi.

III bosqich – joyiga chiqqan holda o'rganish: 2026-yil 11-sentabr – 10-oktabr;

Komissiya a'zolari tomonidan onlayn saralash bosqichidan o'tgan ishtirokchilarning faoliyati joyiga chiqqan holda o'rganiladi va 6.1-bandda belgilangan mezonlar orqali baholanadi.

Natijada har bir hududdan 1 nafar, istisno tariqasida komissiya qaroriga ko'ra ayrim hududlardan 2 nafargacha ishtirokchi final bosqichiga tavsiya etilishi mumkin.

Bunda, final bosqichidagi ishtirokchilarning umumiy soni 15 nafardan oshmasligi lozim.

IV bosqich - Agro festival bosqichi: 2026-yil 11-15-oktabr;

Mazkur bosqichda uchinchi bosqichdan muvaffaqiyatli o'tgan ishtirokchilar ishtirokida respublika miqyosida Agro festival tashkil etiladi. Festival doirasida ishtirokchilar uchun ko'rgazmalar, taqdimotlar, mahorat darslari (master-klasslar), seminarlar, ochiq muloqotlar, tajriba almashish tadbirlari, madaniy-ma'rifiy dasturlar, final bosqichiga tayyorgarlik hamda chempionat nominatsiyalariga muvofiq amaliy topshiriqlar — Agro Camp tashkil etiladi.

V bosqich – final bosqichi: 2026-yil 16-20-oktabr;

Final bosqichida ishtirokchilar nominatsiya bo'yicha maxsus mezonlar asosida baholanadi.

Baholash uchun har bir ishtirokchiga 10 daqiqa vaqt ajratiladi:

5 daqiqa — o'z xo'jaligi faoliyatini taqdim etish, kelgusidagi biznes loyihasini himoya qilish va komissiya a'zolari savollariga javob berish;

5 daqiqa — ishtirokchi tomonidan oldindan tayyorlangan 3–5 daqiqalik motivatsion videorolikni namoyish etish.

Videorolikda ishtirokchining o'z hayot yo'li, mehnat faoliyati, uchragan qiyinchiliklari, erishgan yutuqlari hamda boshqa yoshlar uchun ibrat bo'ladigan tajribasi yoritilishi lozim.

4-bob. Chempionat shartlari

4.1. Chempionatda ishtirok etish uchun talabgorlar “yoshfermer.uz” elektron platformasidan tegishli nominatsiyani belgilab, quyidagi hujjatlarni taqdim etgan holda ro'yxatdan o'tishlari lozim:

Umumiy hujjatlar:

Pasport ma'lumotlari (famiyasi, ismi, otasining ismi, tug'ilgan sanasi, yashash manzili (hudud va tuman (shahar);

Qishloq xo'jaligi sohasida rasmiy faoliyat yuritayotganligini tasdiqlovchi hujjat;

“Men va mening faoliyatim” mavzusida 2 daqiqadan oshmagan videorolik;

Telefon raqami (ushbu raqamga telegram messenjeri orqali ro'yxatdan o'tishni tasdiqlash uchun tasdiqlash kodi yuboriladi).

Nominatsiya bo'yicha maxsus hujjatlar:

Dehqonchilik faoliyati haqida qisqacha ma'lumot (yetishtirilayotgan ekin turlari, yer maydoni, qo'llanilayotgan agrotexnologiyalar, oxirgi yildagi asosiy natijalar);

Dehqonchilik faoliyatining amaliy natijalarini tasdiqlovchi materiallar (ekin maydonlari, hosil, agrotexnologik jarayonlar aks etgan foto, video yoki boshqa tasdiqlovchi materiallar);

Mavjud bo'lsa sertifikatlar, mukofotlar, tashakkurnomalar yoki sohadagi yutuqlarni tasdiqlovchi boshqa hujjatlar;

zaruratga ko'ra boshqa tasdiqlovchi hujjatlar qo'shilishi mumkin.

Talabgor taqdim etilgan ma'lumotlarning haqqoniyligi uchun shaxsan javobgar hisoblanadi.

4.2. Ishtirokchilar chempionatda bir vaqtda 3 ta nominatsiya bo'yicha ishtirok etishlari mumkin.

4.3. Ishtirokchi:

belgilangan tartibda onlayn ro'yxatdan o'tishi;

talab etiladigan hujjatlarni elektron shaklda to'liq taqdim etishi;

dehqonchilik yo'nalishida amaliy ish tajribasiga ega bo'lishi hamda qishloq xo'jaligi ekinlarini yetishtirish bilan muntazam shug'ullanayotgan bo'lishi;

yetishtirilgan mahsulotlar va ishlab chiqarish natijalari tegishli hujjatlar, foto, video yoki boshqa tasdiqlovchi materiallar bilan asoslangan bo'lishi.

4.4. Chempionat ishtirokchilari tomonidan chempionatda qatnashish ixtiyoriy va bepul amalga oshiriladi.

4.5. Chempionatda 1-o'rinni olgan ishtirokchilar chempionatning kelgusi mavsumida ushbu nominatsiyada ishtirok etishi taqiqlanadi.

5-bob. Chempionatni tashkil etish va o'tkazish tartibi

5.1. Chempionatni tashkil etish va o'tkazishga ishchi guruh mas'ul hisoblanadi.

Chempionatni tashkil etish va o'tkazish bo'yicha ishchi guruhi a'zolarining namunaviy tarkibi 1-ilovaga muvofiq shakllantiriladi.

5.2. Chempionat ishtirokchilarini baholashga komissiya a'zolari mas'ul hisoblanadi.

Chempionat ishtirokchilarini baholash bo'yicha komissiya a'zolarining namunaviy tarkibi 2-ilovaga muvofiq shakllantiriladi.

5.3. Komissiya qarori qat'iy bo'lib, o'zgartirilmaydi, e'tirozlar (*appelatsiya*) qabul qilinmaydi va qayta ko'rib chiqilmaydi.

5.4. Chempionat g'oliblari va finalchilarining kasbiy rivojlanishini qo'llab-quvvatlash hamda ular bilan tizimli ishlash maqsadida chempionatdan keyingi rivojlantirish dasturi amalga oshiriladi.

Dastur doirasida:

G'oliblar va finalchilardan iborat "Yosh chempion fermerlar" klubi tashkil etiladi;

ishtirokchilar uchun mentorlik, malaka oshirish va kasbiy rivojlanish dasturlari tashkil etiladi;

ularning respublika va xalqaro ko'rgazmalar, forumlar, o'quv dasturlari hamda tajriba almashish loyihalarida ishtirok etishiga ko'maklashiladi;

istiqbolli ishtirokchilarning investitsiya, eksport va bozorlarga chiqish imkoniyatlarini kengaytirish bo'yicha amaliy yordam ko'rsatiladi;

chempionat g'oliblari va finalchilari keyingi yillarda o'tkaziladigan chempionatlarda ekspert, mentor, spiker yoki tajriba almashuvchi sifatida jalb qilinishi mumkin;

chempionat ishtirokchilari o'rtasida o'zaro hamkorlik, bilim va tajriba almashishga qaratilgan doimiy muloqot platformasi shakllantiriladi.

6-bob. Chempionat ishtirokchilarini baholash, g'oliblarni aniqlash va taqdirlash

6.1. Ishtirokchilar quyidagi tartibda baholanadi:

I bosqich – ro'yxatdan o'tish bosqichi.

Ushbu bosqichda ishtirokchilar Chempionatning rasmiy elektron platformasi – yoshfermer.uz veb-sayti orqali ro'yxatdan o'tadi.

Ro'yxatdan o'tish bosqichi 2026-yil 5-avgustdan 31-avgustga qadar (ushbu kun ham) davom etadi.

Ishtirokchilar mazkur nizomda belgilangan hujjatlarni elektron shaklda yuklaydi hamda anketa ma'lumotlarini to'liq to'ldiradi.

Arizalar belgilangan muddat tugagunga qadar qabul qilinadi. Belgilangan muddatdan keyin yuborilgan arizalar qabul qilinmaydi.

Komissiya a'zolari tomonidan taqdim etilgan hujjatlarning to'liqligi va nizom talablariga muvofiqligi texnik jihatdan tekshiriladi.

Hujjatlari to'liq va belgilangan talablarga javob beradigan ishtirokchilar Chempionatning II bosqichida ishtirok etish huquqini qo'lga kiritadi.

II bosqich – onlayn saralash bosqichi.

Ushbu bosqichda komissiya a'zolari ishtirokchilarning taqdim etgan hujjatlari va ma'lumotlarini masofaviy tartibda quyidagi mezonlar asosida baholaydi:

T/r	Baholash mezonlari	Baholash balli
1.	Hujjatlarning to'liqligi va rasmiyligi. <i>Ishtirokchi tomonidan taqdim etilgan hujjatlarning to'liqligi, belgilangan talablarga muvofiqligi va rasmiyligi baholanadi.</i>	20
2.	Nominatsiya talablariga muvofiqligi. <i>Ishtirokchining faoliyati tanlangan nominatsiyaning maqsadi, vazifalari va ishtirokchilar uchun belgilangan talablarga muvofiqligi baholanadi.</i>	25
3.	Erishilgan natijalarning asoslanganligi. <i>Taqdim etilgan ma'lumotlarning aniq raqamlar, hisobotlar, sertifikatlar, foto va video materiallar hamda boshqa tasdiqlovchi hujjatlar bilan asoslanganligi.</i>	35
4.	Taqdim etilgan ma'lumotlarning sifati. <i>Ishtirokchi tomonidan taqdim etilgan hujjatlarda keltirilgan ma'lumotlarning aniqligi, mantiqiyliigi, mazmundorligi va komissiyaga ishtirokchining faoliyatini to'liq anglash imkonini berishi baholanadi.</i>	10
5.	Videotaqdimot sifati. <i>Ishtirokchining "Men va mening faoliyatim" mavzusidagi videoroligida faoliyatini aniq, ishonchli va tushunarli tarzda taqdim etish darajasi baholanadi.</i>	10
Jami ballar yig'indisining eng yuqori ko'rsatkichi:		100

III bosqich – joyiga chiqib o'rganish bosqichi.

Onlayn saralashdan muvaffaqiyatli o'tgan ishtirokchilarning faoliyati komissiya a'zolari tomonidan joyiga chiqqan holda o'rganiladi.

Ushbu bosqichda ishtirokchining taqdim etgan hujjatlari, erishgan natijalari hamda xo'jalik faoliyatining haqqoniyligi quyidagi mezonlar asosida baholanadi:

T/r	Baholash mezonlari	Baholash balli
1.	Nominatsiya talablariga mosligi. <i>Ishtirokchining faoliyati, erishgan natijalari va amaliy faoliyati tanlangan nominatsiyaning maqsadi, vazifalari va maxsus talablariga</i>	25

	<i>qay darajada mos kelishi baholanadi.</i>	
2.	Xo‘jalik (yoki loyiha) faoliyatining real natijalari. <i>Ishtirokchining ishlab chiqarish (faoliyat) natijalari, mahsuldorlik yoki hosildorlik ko‘rsatkichlari, mahsulot sifati va amaliy faoliyati joyiga chiqqan holda baholanadi. Bunda ishtirokchi tomonidan I bosqichda taqdim etilgan ma’lumotlar, hujjatlar va boshqa tasdiqlovchi materiallarning haqqoniyligi hamda ularning amaliy faoliyatga muvofiqligi ham tekshiriladi.</i>	25
3.	Kasbiy mahorat va agrotexnologiyalarga rioya qilish. <i>Ishtirokchining sohaga oid amaliy bilim va ko‘nikmalari, agrotexnologik talablarga amal qilishi, ish jarayonlarini to‘g‘ri tashkil etishi baholanadi.</i>	25
4.	Ishlab chiqarish madaniyati va resurslardan samarali foydalanish. <i>Yer, suv, ozuqa, texnika, energiya va boshqa resurslardan oqilona foydalanish, sanitariya, mehnat xavfsizligi hamda ishlab chiqarish madaniyati baholanadi.</i>	15
5.	Rivojlanish salohiyati. <i>Ishtirokchining o‘z faoliyatini yanada takomillashtirish, zamonaviy texnologiyalarni joriy etish va boshqa yoshlarga namuna bo‘lish imkoniyatlari baholanadi.</i>	10
Jami ballar yig‘indisining eng yuqori ko‘rsatkichi:		100

IV bosqich – Agro festival bosqichi.

Final bosqichiga yo‘llanma olgan ishtirokchilar uchun chempionatning yakuniy bosqichiga tayyorgarlik ko‘rish maqsadida qisqa muddatli o‘quv va amaliy tayyorgarlik dasturi — Agro Camp tashkil etiladi.

Agro Camp dasturi doirasida:

qishloq xo‘jaligi sohasidagi yetakchi olimlar, mutaxassislar, muvaffaqiyatli fermerlar va tadbirkorlar ishtirokida seminarlar, treninglar hamda mahorat darslari tashkil etiladi;

ishtirokchilarga biznesni rivojlantirish, innovatsiyalar, brending, marketing, eksport, investitsiya jalb qilish va samarali taqdimot qilish ko‘nikmalari bo‘yicha amaliy mashg‘ulotlar o‘tkaziladi;

ishtirokchilar final bosqichida o‘z xo‘jaligi, mahsuloti yoki biznes loyihasini taqdim etish va himoya qilishga tayyorlanadi.

Chempionatning respublika finali mamlakatning qishloq xo‘jaligi sohasidagi yutuqlarini keng jamoatchilikka namoyish etish maqsadida Agro festival shaklida tashkil etiladi.

Agro festival doirasida quyidagi tadbirlar o‘tkazilishi mumkin:

finalchilarning mahsulotlari, innovatsion ishlanmalari va biznes loyihalari ko‘rgazmasi;

zamonaviy agrotexnologiyalar, raqamli yechimlar va innovatsion ishlanmalar taqdimoti;

investorlar, banklar, eksportchi tashkilotlar, ilmiy muassasalar va xalqaro tashkilotlar ishtirokida uchrashuvlar;

mahorat darslari, panel muhokamalari, ochiq muloqotlar va tajriba almashish tadbirlari;

qishloq xo‘jaligi mahsulotlari yarmarkasi va agroko‘rgazmalar;

aholi, yoshlar va ommaviy axborot vositalari ishtirokida targ‘ibot tadbirlari.

V bosqich – final bosqichi.

Uchinchi bosqichdan muvaffaqiyatli o‘tgan ishtirokchilar final bosqichida ishtirok etadi.

Final bosqichida ishtirokchilarning faoliyati quyidagi mezonlar orqali baholanadi:

T/r	Baholash mezonlari	Baholash balli
1.	Dehqonchilik faoliyatining samaradorligi va amaliy natijalari. <i>Ishtirokchining dehqonchilik faoliyatida erishgan amaliy natijalarini, hosildorlik, ishlab chiqarish hajmi va iqtisodiy samaradorlik ko‘rsatkichlarini taqdim etishi, ularni aniq dalillar bilan asoslab berishi hamda ekspertlar savollariga javoblari asosida baholanadi.</i>	20
2.	Hosildorlik va mahsulot sifati ko‘rsatkichlari. <i>Ishtirokchining yuqori hosildorlik va sifatli mahsulotga erishishda qo‘llagan agrotexnik yondashuvlari, mahsulot sifatiga ta’sir etuvchi omillarni izohlab berishi hamda ekspertlar savollariga javoblari asosida baholanadi.</i>	20
3.	Dehqonchilik jarayonlarini samarali tashkil etish. <i>Ishtirokchining yer tayyorlash, ekish, parvarishlash, sug‘orish, o‘g‘itlash, o‘simliklarni himoya qilish va hosilni yig‘ib olish kabi jarayonlarni qanday tashkil etganini tushuntirishi, qabul qilingan qarorlarni asoslab berishi hamda ekspertlar savollariga javoblari asosida baholanadi.</i>	20
4.	Dehqonchilik faoliyatini rivojlantirish salohiyati. <i>Ishtirokchining kelgusida dehqonchilik faoliyatini rivojlantirish, ishlab chiqarish samaradorligini oshirish, yangi texnologiyalarni joriy etish va mahsulot turlarini kengaytirish bo‘yicha rejalarini asoslab berishi baholanadi.</i>	15
5.	Dehqonchilik sohasidagi tashabbuskorlik va ilg‘or yondashuv. <i>Ishtirokchining dehqonchilik sohasida yangi va samarali yondashuvlarni qo‘llashi, muammolarga amaliy yechimlar topishi, tashabbuskorligi va ushbu yondashuvlarning afzalliklarini asoslab berishi hamda ekspertlar savollariga javoblari asosida baholanadi.</i>	15
6.	Loyihani taqdim etish sifati. <i>Taqdim etilgan hujjatlarning to‘liqligi, ma’lumotlarning ishonchliligi, foto va video materiallar hamda motivatsion videorolikning mazmundorligi va sifati, shuningdek ishtirokchining faoliyati, erishgan</i>	10

	<i>natijalari yoki taqdim etgan tashabbusining aniq, asosli va tushunarli tarzda yoritilganligi baholanadi.</i>	
Jami ballar yig'indisining eng yuqori ko'rsatkichi:		100

6.2. Komissiya a'zolari ishtirokchilarni har bir mezon bo'yicha belgilangan maksimal balldan kelib chiqib mustaqil baholaydi. Yakuniy natija barcha komissiya a'zolari bergan ballarning o'rtacha arifmetik qiymati asosida aniqlanadi.

6.3. Umumiy ball sifatida har bir mezon bo'yicha olingan jami ballar yig'indisi olinadi.

6.4. Chempionat komissiyasi qarori bilan eng ko'p ball to'plagan ishtirokchilar:

I o'rin;

II o'rin;

III o'rin;

deb e'tirof etiladi.

6.5. Ballar teng bo'lgan taqdirda, "Dehqonchilik faoliyatining samaradorligi va amaliy natijalari" hamda "Hosildorlik va mahsulot sifati ko'rsatkichlari" mezonlari bo'yicha yuqori ball olgan ishtirokchi ustunlikka ega bo'ladi.

6.6. G'oliblar quyidagi miqdorda bir martalik pul mukofoti bilan taqdirlanadi:

I o'rin – 50 million so'm;

II o'rin – 30 million so'm;

III o'rin – 20 million so'm.

Shuningdek, g'oliblar diplom, esdalik belgisi va chempionatning maxsus sovg'alari bilan taqdirlanishi mumkin.

6.7. Chempionat davomida yuqori faollik, bilim va salohiyatini namoyon etgan, kelgusida zamonaviy qishloq xo'jaligi sohasining yetakchi vakillaridan biriga aylanish salohiyatiga ega ekanini ko'rsatgan, biroq keyingi bosqichga yo'llanma olish yoki g'oliblik uchun zarur ballni to'play olmagan ishtirokchilar qishloq xo'jaligi sohasida bilim va ko'nikmalarini yanada rivojlantirish maqsadida "Yosh fermerlar savdo maktabi"ning intensiv o'quv dasturida qatnashish huquqini beruvchi maxsus sertifikat bilan taqdirlanadi.

Ushbu o'quv dasturi doirasida ishtirokchilarga quyidagi yo'nalishlar bo'yicha amaliy mashg'ulotlar tashkil etiladi:

mahsulotni to'g'ri yetishtirish texnologiyalari;

marketing va sotuv;

brending;

onlayn savdo;

eksport faoliyati;

agrobiznesni rivojlantirishning boshqa zamonaviy yo'nalishlari.

6.8. G‘oliblarni taqdirlash uchun ajratiladigan mablag‘lar “Yosh fermerlar savdo maktabi” loyihasini amalga oshirish uchun “O‘zbekiston yosh fermerlari Kengashi” NNTga ajratilgan mablag‘lar hamda hamkor tashkilotlarning mablag‘lari hisobidan moliyalashtiriladi.

7-bob. Yakuniy qoidalar

7.1. Chempionat tashkilotchilari o‘zaro kelishgan holda chempionat nizomiga o‘zgartirish va qo‘shimchalar kiritish vakolatiga ega.

7.2. Chempionatni o‘tkazish jarayonlari bo‘yicha kelib chiqadigan nizolar qonun hujjatlarida belgilangan tartibda hal etiladi.

7.3. G‘oliblarga ajratilgan pul mablag‘lari o‘zining qishloq xo‘jaligi faoliyatini rivojlantirishga ishlatiladi va ishchi guruhi tomonidan nazorat qilib boriladi.

7.4. Mazkur nizom talablari buzilishida aybdor bo‘lgan shaxslar qonunchilik hujjatlarida belgilangan tartibda javobgar bo‘ladilar.